

কবিতা

চলরে এগিয়ে চল

Shah Mohammad Fahim

August 12, 2012

হুট করে আসি, গলা ছেড়ে ডাকি শোন হে নওজোয়ান
নজরুল নাই তবু তার সুরে বেঁধেছি নতুন গান,
ছাড়পত্র পায়নি আজো প্রবীণ অঙ্গীকার
হারিয়ে গিয়েছে খুঁজে পাইনি মানুষের অধিকার।

শ্রমিক, চাষা, জনতার দল জেগে ওঠ একসাথে
গেরিলা ধাঁচে অভিযান হবে আজকে শেষ রাতে,
চেয়ে দেখ কারো বোন কাঁদছে পুরুষ পশুর পাপে
স্বজন হারিয়ে জননী কাঁদে সমাজের অভিশাপে।

শত জনমের অক্ষ মোছার এইতো বেশ সময়
কান পেতে শোন কোন কাফেলা মুক্তির কথা কয়,
হাজার ফুলের সুবাস ছড়ায় কোন সে নবীন দল
তাদের নিয়েই অভিযান আজ চলরে এগিয়ে চল।